

JUSTIFIKAZIOA

Eskoriatzako Udalak, landa guneetako bizi kalitatea hobetzeko martxan jarri nahi duen programaren barruan, hainbat jarduera aurreikusten ditu landa guneetako gune nagusitik isolatuta dauden eraikinen kanpoaldean argiak jartzeko.

Helburu hori lortzeko, Udalak eraikin horietako fatxadan edo horien inguruan argi puntu bat jartzeko beharrezko obrak egingo eta finantzatzeko ditu.

Hala ere, arrazoi tekniko eta ekonomikoengatik, argi puntu horien elikadura eraikinaren beraren zerbitzu orokorretatik desbideratuta egitea gomendatzen da; ez hargune independente batetik, argiteri publikoko saretik eginez gero egin beharko litzatekeen bezala. Argiteri publikoko sarea ez da iristen puntu horietaraino, eta horregatik, hori kanalizatzea oso garestia da.

Horrek ahalegin ekonomikoa eskatzen die auzotarrei, kanpoaldea argiztatzeko jarritako argi puntuek kontsumitutako energia finantzatzeko oinarri hauetan aurreikusitako laguntzekin konpentsatzea nahi dena.

1. - Helburua.

Oinarri hauen helburua da landa auzoetako gune nagusietatik isolatuta egon eta kanpoaldean argiteria publikoa ez duten eraikinen kanpoaldean jarritako argi puntuen energia kontsumoa finantzatzen laguntzeko diru laguntzak ebaluazio bakoiztu erregimenean emateko prozedura arautzea. Laguntzak ondorengo helburuak bete beharko dituzte:

- Eraikinaren sarrera nagusia argitzea.
- Eraikina seinaleztatzea.

Ondorengo arauak jarraituko dira diru laguntzak emateko:

- Diru laguntzak borondatezkoak eta aldi baterakoak izango dira.
- Ezingo dira aintzat hartu aurrekari bezala.
- Ezingo da eskatu diru laguntza handitzerik edo berraztertzerik.

2.- Organo eskuduna.

Oinarri hauek onartzeko organo eskuduna Udaltzaria da (Toki Araubidearen Oinarriak arautzen dituen 7/1985 Legearen 22.2.e artikuluan aurreikusitakoaren arabera).

3. Araudi aplikagarria.

Diru laguntza hauek eta onuradunaren eta erakunde emailearen arteko harreman juridikoa oinarri hauek eta diru laguntzak ematerakoan indarrean dauden gainerako arauak arautuko dituzte.

hirigintza zerbitzua

2021HDID0002

Oinarri hauetan aurreikusi gabeko guztietarako, Diru laguntzei buruzko azaroaren 17ko 38/2003 Lege Orokorra (Estatuko Boletín Oficiala: 2003-11-18) eta lege hori garatzeko 887/2006 Errege dekretuz onartutako Erregelamendua aplikatuko dira.

4. Onuradunak.

Oinarri hauetan jasotako diru laguntzak eskatu ahal izango dituzte laguntzetarako deialdiaren aurreko urteko abenduaren 31 baino lehen egoitza fiskala Eskoriatzan duten edo Eskoriatzan errolatutako pertsona fisiko edo juridikoen, betiere, landa gunean jabetzan baldin badute diru laguntzaren helburu den eraikinen bat eta eraikinak honako erabileretakoren bat baldin badu:

- Egoitza erabilera.
- Erabilera orokorra, hala nola, ermitak, auzo-lokalak...

Higiezin guztiak dagokion katastroan alta emanda egon beharko dira.

5.- Diru laguntzak jaso ditzaketen jarduerak.

Diru laguntza jaso dezaketen gastuak deialdia egiten den urteko kontsumoarenak izan beharko dira, hain zuzen ere, ondorengo baldintza guztiak eta bakoitza betetzen dituzten argi puntuenak:

- Udalak jarritakoak edo baimendutakoak izatea.
- Katastroan alta emanda eta auzoko gune nagusitik isolatuta dauden egoitza-eraikinetako edo erabilera orokorreko eraikinetako (ermitak, auzo-lokalak edo antzerakoak) sarrera argizatzea.
- Kanpoaldean argiteria publikorik ez izatea.
- Argi puntua pizteko sistemak funtzionatzea.

Ezarritako baldintzak ez badira betetzen, arrazoia edozein delarik ere, diru laguntza itzultzea eska dezake Udalak.

6.- Erregimena.

Diru-laguntzei buruzko azaroaren 17ko 38/2003 Lege Orokorreko 22.2 artikuluan ezarritakoaren arabera, deialdi honetako laguntzak banakako ebaluazio erregimenean emango dira, argiteria publikoko sarea iristen ez den eta hori kanalizatzea oso garestia litzatekeen landa guneetan argiteria bermatu gura duten laguntza hauek izaera berezia baitute.

Diru laguntzetarako deialdia egitea Alkate-Udalburuari dagokio, eta berak hartutako erabakia Gipuzkoako Aldizkari Ofizialean argitaratuko da.

7.- Finantzazioa.

Udalak dagokion aurrekontu partida gaituko du diru laguntza hauek emateko, eta horren zuzkidura izango da Udalak emango duen gehienezko diru kopurua.

<https://uzt.gipuzkoa.eus/PortalV/r/eu/34/AAAAB02WL.wtpx>

hirigintza zerbitzua

2021HDID0002

Aurrekontu zuzkidura deialdian zehaztuko da, eta ekitaldi bakoitzerako onartutako aurrekontuan berariaz sartuta egon beharko da.

8.- Diru laguntzen zenbatekoa.

Diru laguntzaren zenbatekoa deialdian finkatuko da. Zenbateko finkoa izango da urteko eta argi puntuko.

9. Eskaerak aurkezteko epea eta lekua. Indarraldia.

Eskaerak sinatutako eskaera-orri bidez egin beharko dira, eta udaletxean eta webgunean eskura dauden eskaera ereduari egokitu beharko dira.

Eskaerak astelehenetik ostiralera, 9:30etik 14:30era, aurkeztu ahal izango dira Udal Erregistro Orokorrean edo, telematikoki, HERRITARREN ATARIAN.

Eskaerak aurkezteko epea diru laguntzetarako deialdia Gipuzkoako Aldizkari Ofizialean argitaratu ondorengo egun baliodunean hasiko da.

Eskaerak aurkezteko epea deialdia egiten den urteko abenduaren 15ean bukatuko da.

Eskaerak aurrekontu kontsignazioa dagoen bitartean erabakiko dira.

10. Akatsak zuzentzea eta dokumentazio osagarria.

Eskaerak ez baditu betetzen deialdian jasotako baldintzak, horiek zuzentzeko eskatuko zaio eskatzaileari, eta horretarako, gehienez ere hamar egun balioduneko epe luzaezina izango du. Era berean, ohartaraziko zaio eskatutakoa beteko ez balu eskaerari uko egintzat joko dela Herri Administrazioen Araubide Juridikoari eta Administrazio Prozedura Erkideari buruzko Legeko 71. artikuluan aurreikusitako moduan eman beharko den erabakia hartu ondoren.

Eskaera egiteak Eskoriatzako Udalari egoki izan daitezkeen jarduerak egiteko baimena ematea dakar. Jarduera horiek honakoak egiaztatze egingo dira: eskatzaileak emandako informazioa, eskatutako baldintzak betetzen diren eta diru laguntza emanda erakunde onuradunak hartutako betebeharrak betetzen diren.

11.- Agiriak.

Eskaerarekin batera honako agiriak aurkeztu beharko dira:

1. Bankuaren ziurtagiria kontu korrante baten jabe dela egiaztatzeko.
2. Helburu bererako jasotako edo eskatutako diru laguntzei buruzko aitorten sinatua.
3. Zerga-betebeharrak eta Gizarte Segurantzarekikoak egunean izatea.
4. Argi puntua pizteko sistemak funtzionatzen duela eta 5. artikuluan ezarritako baldintza guztiak betetzen dituela egiaztatzea. Egiaztapena Udalak egingo du ofizioz.

12. Eskaerak tramitatze arduraren unitateak.

Eskaerak Hirigintza administrazio unitateak tramitatuko ditu.

13.- Eskaerak ebaluatze irizpideak.

<https://uzt.gipuzkoa.eus/PortalV/r/eu/34/AAAAB02WL.wtpx>

hirigintza zerbitzua

2021HDID0002

Helburua izanik Udalak berak, zailtasun teknikoarengatik eta kostu ekonomikoarengatik, zuzenean jarri ezin duen argiteria partikularrek beraiek jartzeagatik sortutako gastuak finantzatzeko diruz laguntzea, norgehiagoka prozedura batean ez dago aukerarik alderatutako baloraziorik egiteko aurkeztutako eskaeren artean, eta, eskatutako baldintzen pilaketa eta aurrekontu kontsignazioarena ez bada, beraien artean ezin da beste harreman elementurik ezarri.

14. Prozedura eta erabakia.

Eskaera aurkeztuta, Obra eta Zerbitzuetako arloko teknikariak aztertuko du; eta dokumenturen bat falta izanez gero, 10 eguneko epea emango da hori aurkezteko.

Epe hori amaituta eskatutako dokumentazioa aurkeztu gabe, diru laguntza eskaerari uko egiten zaiola ulertuko da.

Azkenik, eta diruz lagungarri den jarduera bati dagokion gastua dela esateko teknikariak egindako txostena jaso ondoren, Hirigintza eta Mugikortasun batzorde informatzaileak diru laguntza emateko proposamena egingo dio Alkateari, honek dagokion erabakia har dezan.

Erabakia gehienez ere hiru hilabeteko epean hartuko da Udal Erregistroan eskaerari emandako sarrera egunetik kontatzen hasita.

Epe hori amaituta, eta Udalak ez badu inolako erabakirik hartu eskaeraren baten gainean, eskaera ez dela onartu ulertu beharko da.

Erabaki proposamena egin aurretik beharrezkotzat jotzen duen informazio osagarria eskatu ahal izango du Udalak batzorde informatzailearen bidez.

15. Diru laguntza ordaintzeko modua.

Diru laguntza ordainketa bakarrean emango da, hilabeteko epean Alkateak diru laguntza ematea onartzen duenetik kontatzen hasita.

16. Diru laguntzak pilatzea.

Udalak emandako diru laguntza bateragarria izango da helburu bererako emandako beste edozeinekin. Hala ere, diru laguntzaren kopurua ezin izango da izan, bera bakarrik edo beste laguntza batzuekin batera, diruz lagundutako jardueraren kostua baino handiagoa.

17.- Diru laguntzak argitaratzea.

Diru laguntza, banaka hartuta, 3.000 eurotik gorakoa baldin bada, Gipuzkoako Aldizkari Ofizialean argitaratuko dira onuradunaren izena eta emandako diru laguntza.

Ez da diru laguntzen daturik argitaratuko, diru laguntzaren xedeagatik, pertsona onuradunaren datuak argitaratzeak pertsona fisikoen ohorea eta intimitate pertsonal zein familiarra ez errespetatzea edo ez babestea ekar dezakeenean.

18. Diru laguntza bertan behera uztea edo baliogabetzea.

Diru laguntza berraztertzeke eta, hala bada, bertan behera uzteko arrazoia izango da diru laguntza jasotzea eskatutako baldintzak bete gabe.

<https://uzt.gipuzkoa.eus/PortalV/r/eu/34/AAAAB02WL.wtpx>

19.- Oinarriak interpretatzea.

Oinarri hauek interpretatzerakoan, aplikatzerakoan edo horien ondorioetarako zalantzarik izanez gero, Hirigintza eta Mugikortasun batzorde informatzaileak erabakiko du.

20.- Garapena eta exekuzioa.

Oinarri hauek exekutatu ahal izateko behar beste erabaki hartzeko ahalmena ematen zaio Alkate-Udalburuari.

21. Araudi osagarria.

Oinarri hauetan berariaz ezarrita ez dagoenetarako, estatuko azaroaren 17ko 38/2003 Legean ezarritakoa zein diru laguntza arloan indarrean dagoen gainerako legedia aplikatuko da.

22.- Errekurtsoak.

Oinarri hauen aurka berraztertzeko errekurtsoa jarri dakioke oinarriak onartu dituen organo eskudunari. Horretarako hilabeteko epea izango da. Bestela, zuzenean inpugnatu daitezke Administrazioarekiko Auzitegian, eta horretarako bi hilabeteko epea izango da. Epe biak oinarri hauek GAOn argitaratzen diren biharamunean hasiko dira kontaktzen.